

云南史料丛刊

第二十八辑

云南大学历史系

(原民族历史)

云南地方古代史

研究室



K297.4
715
28

雲南史料叢刊第二十八輯目錄

唐宋人作滇事詩文
牛叢報南詔坦綽書
高駢回雲南牒
玉溪編事驃信詩
段義宗詩
昌慤上書議買大理馬
高氏源流總派圖
大明一統志雲南志
從征緬甸日記
征緬紀聞

一頁——四八

四九頁——五三

五四頁——六〇

六一頁——六七

六八頁——七四

七五頁——八一

八二頁——九八

九九頁——二三二

二二三頁——二四九

二五〇頁——三〇〇

唐宋人作滇事詩文概說

唐、宋時期史料，有關雲南者甚少，流傳至今猶可得見者更少。累年收集，而讀書未遍，尚非稱備。近歲編印雲南史料叢刊，得諸同道之力，先後分集編纂，以供觀覽。於編錄檔冊官書之外，其私家撰述，成為專書者，僅得樊綽雲南志、楊佐雲南買馬記等數種，已收之餘，多散佚。尚有前人親見其書徵引者，雖零圭斷璧，可資考究者，均各為專目輯佚而存之。至於專篇之作，散見於羣書，其份量較多且較為重要者，亦各為專目而存之。尚有單篇，略依時序，合而錄之，題曰詩文鈔。其外，有為羣書徵引之單篇，原書已收於叢刊者，不再錄出，惟附載題目，以供參閱焉。大抵私家撰述之作，有專書，有輯佚，各為專目；而單篇者，有為專目，有為合鈔，有為存目，分別輕重而編輯之，惟既未得其全，且不免處置失當也。方國瑜謹識。

唐宋人作滇事詩文

征南寧夷過石門山

史萬歲

石城門峻誰開闢，更鼓誤聞風落石。界天白嶺勝金湯，鎮壓西南天半壁。
謝肇淛滇畧卷八，全隋詩卷二。

臨水亭

閻邱均

高館基曾

滇畧作層

山微幕生花草

萬曆志作微幕生芳草

旁對野村樹，下臨車馬道。

清朗悟

萬曆志作娛

心術幽遐備瞻討，回合峯隱雲聯綿。渚紫島氣似滄

萬曆志作靈

洲勝風為青春好，相及盛年時，無令歎衰老。

全唐詩卷四。

按：萬曆雲南通志卷十閻邱均傳載此詩，題臨福亭詩篇曰：在

大理作，不知然否。又曰：回合峯隱雲二句，殆為蒼洱作。

破吐蕃獻俘表

楊國忠

臣國忠言：頃以南蠻閣羅鳳敢背皇恩，吐蕃與其潛謀，欲於瀾南結聚，窺窬越雋，草竊昆明。由是西山諸郡及八國子弟知

其狡計，同請討除。臣當戎行，祇奉寄畧，破吐蕃、雲南，救兵六十餘萬，屠拔隍州等三所大城，擒俘虜六千三百。臣以劔南迢遞，不可盡來，遂簡丁壯千餘，并投降首領，昨三日於勤政樓奉獻，已降殊恩。臣又以男女二百人，六日於躍龍門進納，陛下以生成之德，不限華夷，詔臣曰：「夫王者之義，子育為先，每行千紀之誅，嘗軫在予之念。」吐蕃遺孽，頻有負恩，其君則然，其人何罪？且全其生理，遂彼物情，其所獻口，并宜釋放，遞還本國，以直報怨。於是乎在，微臣何幸？親奉德音，聞所未聞，以忻以感。伏惟陛下不含宏庥品，康濟羣生，大敷恩信，下格昏迷，自皇王以來，未有如今日者也。天下幸甚，豈惟諸戎？特望宣付史官，頒中外。

全唐文卷三百四十六

按：此奏應在天寶十一載。是時，鮮于仲通大敗於雲南，而國忠報吐蕃之捷，以掩其敗狀。顏魯公集卷六，鮮于仲通神道碑亦載勝吐蕃事，而不言敗於雲南。通鑑考異曰：實錄兵部侍郎兼御史中丞、劔南節度使楊國忠破吐蕃於雲南，拔故隍州等三

城獻俘於朝。唐歷國忠上言破吐蕃於雲南，拔故洪州等三城。

鮮于仲通神道碑 節錄

顏真卿

開元二十六年，調補益州新都尉，視事二十日，謝病去。二十七年，長史張宥奏充劍南採訪支使，方謀拔安戎，獨與公計劃幕中之事，一切以咨公。司馬章仇兼瓊惡之，及代宥節度，乃移郡收公，月餘仍釋之。俄令攝判使事，監越雋兵馬，復奏充採訪支使，盡護劍南軍事。首尾二載，冒暑渡瀘者凡一十八度。公秉操堅忮，吏人望而畏之，改授新繁尉，充山南西道採訪支使，頃之雲南蠻動，瓊請公往，以便宣從事，公戮其尤害者數人，蠻復攝服。……天寶五載，戶部侍郎兼御史大夫鄧公虛己代瓊節制，鄧以度務一皆仗公。……及鄧公云亡，遂拜公為蜀郡大都督府長史兼御史中丞，持節充劍南節度副大使。……（不言用兵南詔事）十一載，拜京兆尹。……十四載，閏十一月十有五，有五日終。……有子六人，仲曰昊，隨公臨西洱河，力戰而

沒…… 顏魯公集卷六。

李雲南征蠻詩 并序

高適

天寶十一載，有詔伐西南夷。右相楊公東節制之寄，乃奏前雲南太守李宓，涉海自交趾擊之。道路險艱，往復數萬里，蓋百王所未通也。十二載四月，至於長安。君子是以知廟堂使能，而李公効節，適忝斯人舊，因賦是詩。

聖人赫斯怒，詔伐西南戎。肅穆廟堂上，深沉節制雄。遂令感激士，得見非常功。料死不料敵，顧恩寧顧終。鼓行天海外，轉戰蠻夷中。梯巘近高鳥，穿林經毒蟲。鬼門無歸客，比戶多南風。蜂虿隔萬里，雲雷隨九攻。長驅大浪破，急擊羣山空。餉道忽已遠，縣軍垂欲窮。精誠動白日，憤薄連蒼穹。野食掘田鼠，晡餐兼餵僮。收兵列亭候，拓地彌西東。臨事耻苟免，履危能飭躬。將星獨照耀，邊色何溟濛。瀘水夜可涉，交州今始通。歸來長安道，召見甘泉宮。廉頗若未死，孫吳知暗同。相逢論意氣，慷慨謝深衷。

高常侍集卷四。

同諸公送李雲南伐蠻

儲光義

昆明濱滇池，蠢爾敢逆常。天星耀鐵鉞，弔彼西南方。冢宰統元戎，太守齒軍行。囊括千萬里，矢謨在廟堂。耀耀金虎符，一息到炎荒。蒐兵自交趾，爰舍出瀘陽。羣山高嶄巖，凌越如鳥翔。封豕驟踰伏，巨象遙披攘。迴溪深天淵，揭厲踰舟梁。玄武掃孤蜮，蛟龍除方良。雷霆隨神兵，礪礪動穹蒼。斬伐若草木，繫縲同犬羊。餘醜隱洱河，啁啾亂行藏。君子惡薄險，王師耻重傷。廣車設置梁，太白收光芒。邊夷靜縣道，新書行紀綱。劍閣棹鞅歸，武弁朝建章。龍樓加命服，獬豸擁秋霜。邦人頌靈旗，側聽何洋洋。京觀在七德，休哉我神皇。

儲光義詩集卷二。

古風

李白

羽檄如流星，虎符合專城。喧呼救邊急，羣鳥皆夜鳴。白日曜紫微，三公運權衡。天地皆得一，滄然四海清。借問此何為，答言楚徵兵。渡瀘及五月，將赴雲南征。怯卒非戰士，炎方難遠行。長號別嚴親，

日月慘光晶，泣盡繼以血。心摧兩無聲，困獸當猛虎，窮魚餌奔鯨。
子去不一回，投軀豈全生。如何舞干戚，一使有苗平。

李太白詩
集卷三

書懷贈南陵常贊府

李白

歲星入漢年，方朔見明主。調笑當時人，中天謝雲雨。一去麒麟閣，
遂將朝市乖。故交不過門，秋草日上階。當時何特達，獨與我心諧。
置酒凌敲臺，歡娛未曾歇。歌動白紵山，舞迴天門月。問我心中事，
為君前致辭。君看我才能，何似魯仲尼。大聖猶不遇，小儒安足然。
雲南五月中，頻喪渡瀘師。毒草殺漢馬，張兵奪雲旗。至今西二河，
流血擁僵屍。將無七擒略，魯女惜園葵。咸陽天下樞，累歲人不足。
雖有數斗玉，不如一盤粟。賴得契宰衡，持鈞慰風俗。自顧望所用，
辭家方來歸。霜驚壯士髮，淚滿逐臣衣。以此不安席，蹉跎因世違。
終當滅衛諺，不受魯人譏。

李太白詩集卷十二

諸將之四

杜甫

7頁
回首扶桑銅柱標，冥冥氛祲未全消。越裳翡翠無消息，南海明珠

久寂寥。殊錫曾為大司馬，總戎皆插侍中貂。炎風朔雪天王地，只在忠良翊聖朝。

浦起龍讀杜心解曰：南詔閣羅鳳自天寶中以鮮于仲通不還俘掠，叛附吐蕃，銅柱正指越裳，謂南詔也。

全唐詩刻本第三十八冊收錄諸將之四一詩，只在忠臣良翊

聖朝一句下有：錢謙益曰：此深戒朝廷不當使中官出將也。楊思勗討安南

五溪，殘酷好殺，故越裳不貢。呂太一收珠南海，阻兵作亂，故南海不靖。李輔國以中

官拜大司馬，所謂殊錫也。魚朝恩等以中官為觀軍容使，所謂戎也。炎風朔雪皆天王

之地，只當精求忠良以翊聖朝，安得偏信一二中人，據將帥之重任自取債乎。

雲南曲

劉灣

百蠻亂南方，羣盜如蝟起。騷然疲中原，征戰從此始。白門大和城，來往一萬里。去者無全生，十人九人死。岱馬卧陽山，燕兵哭瀘水。妻行求死夫，父行求死子。蒼天滿愁雲，白骨積空壘。哀哀雲南行，十萬同己矣。

仲興間氣集卷下

按：陳世宗隨隱漫錄引劉灣雲南行「夷行求死夫，父行求死子」。

為昭義李相公賀雲南蠻歸附狀

崔行先

臣某言：伏承雲南蠻眾，其類八國，獻款歸附，以某日月至於闕下。臣伏惟皇帝陛下端拱九重，高視千古，聖謨廣運，方昭不宰之功，至德柔遠，是有非常之慶。不然者，荒陬蠻貊，左衽鳥語，文軌未通，嗜欲有異，不知父子之性，獨識皇王之恩，此皆天誘其衷，神助其請，歸我龍德，革彼狼心，豈假渡瀘之師，俄同兩階之舞。夏啟之征，有扈高宗之伐，鬼方書之載籍，適足慚耻。臣限以職守，藩維典茲戎旅，不獲隨列稱賀，抃舞丹墀之至。（全唐文卷六百二十）

高黎共山謠

冬時欲歸來，高黎共山雪。夏時欲歸來，無那穹駝熱。春時欲歸來，囊中絡賂（原注：絡賂財之名也）絕。（樊綽雲南志卷二引）

按：樊志曰：高黎共山在永昌西，下臨怒江，左右平川，謂之穹駝。

湯浪冬，中山上積雪苦寒，秋夏又苦穹賒湯浪，毒暑酷熱，河賒賈客在尋傳，羈離未還者，為之謠曰云云。謝肇淛滇略卷二載此謠，改「穹甸」為「彎甸」，改「絡賒」為「資糧」。

同南詔破吐蕃露布

韋臯

劍南西川節度使、同中書門下平章事、臣臯等言：臣聞天討有辜，兵應者勝，義者王，夷不亂華，師直為壯，曲為老，多助之至，四極爰轉。貞觀則同羅擊延陀，開元則九姓殄默啜，曰：商莫不來享，犯漢雖遠，必誅。德鳳翔、虔河源，武節憺、虔月蝟，率寧人之有指，先元戎之啟行，用信威光祖宗，不以賊遺君父。恭維皇帝陛下，宣昭義問，救寧武功，纘八葉之鴻圖，奮四征之雄略。懷梟鴟，銷稂莠，凜邛太和，翦鯨鯢，清郊原，掃除羣穢。王猶允塞，我武惟揚，奇幹善芳，各修貢職。條支若木，咸順指令，邈積石七遐陬，有吐蕃之醜類，侵敗王略，倍奸齊盟，乘邊將之騁兵，瞰戎亭之虛候，為蛇豕，食上國，盡盜河湟，帥蟲賊，搖我疆，再驚畿甸，騎塹敢於深入，鑾蹕至於親屯。

擱然授兵，協以謀我，尚然汙而含垢，姑通使以結和。清水之盟未乾，好時之師已聚，指涇、靈而徵賂，闔鹽、夏以擣虛。夷德無厭，弗悔衽金之禍；楚氛甚惡，輒興衷甲之謀。蠢爾為讐，整居匪茹。維時南詔慕化中朝，先零之質，諸羌雖嘗并力，縻人之率百濮，罔不離心。頓顙於邊，受命於吏，斷匈奴之右臂，羈南粵以長纓。燕、貉輸致騎之勤，晉戎成犄角之勢。彼既失鐵橋之險，我遂克峨和之郛。蓋竄匿於龍虎，復虔劉於麟塞，戕我守將，墮我陴隍。修戈矛與同仇，靡室家不遑處。臣等請奮其旅，以殲乃讐。鳳翔振武、靈武之騎獵其西，邠寧、太原、涇源之兵震其北，率山南熊羆之校，暨東川驅虎之師，烏蠻撓其腹心，回鶻擣其肘腋，衆素飽矣！壹大治之。諸將陳泊等統五萬軍，出十一道，濟思西顙之半，策勳北陸之初，盪平七城，斬馘萬級，獲鎧械十五萬計，燔堡壘百七十餘，遂鼓勇而圍昆明，將決勝而定青海。偽東境五節度大使論莽執，釋朔方之衆，援維州之城。九攻九却之計窮，七縱七擒之威速，連連執訊，矯矯獻囚。

不然我薪而自焚，有如破竹之立解。拂廬魚潰，甌脫免犇，谷靜山空，有就焉耆之僂。區殫域滅，汽聞智盛之降，斯皆廟謨淵深，神斷天造，明見萬里，運奇堂上之兵，守在四夷，制勝目中之虜，勒功滇池之柱，植表赤嶺之碑，一怒安民，文之勇也。三軍用命，克何力焉。臣等承帝之明，敵王所愾，開遠門揭候，坐收西極之舊封。紫微殿受俘，重覩崑丘之茂績。臣等無任慶快，激切屏營之至。謹遣某官奉露布以聞。

按：通鑑貞元十七年，韋臯屢破吐蕃，轉戰千里，凡拔七城，軍鎮五，焚堡百五十，斬首萬餘級，捕虜六千，降戶三千，遂圍維州及昆明城。南詔王異牟尋虜獲尤多，上遣中使慰撫之。事亦見新唐書南詔傳。即謂此事也。

記韋臯撫南詔

范攄

韋臯鎮蜀近二紀，雲南諸蕃部落悉遣儒生，教其禮樂，易衽歸仁。彼我以鹽鏹貨賂，悉無怨焉。雲溪友議卷三。

送李鄠侍御赴西川行營

姚合

不道弓箭宇，罷官唯醉眠。何人薦籌策，走馬逐旌旃。陣變孤虛外，功成語笑前。從今雋州路，無復有烽煙。姚少監詩集卷一。

駱口驛 東壁上有李二十員外逢吉、崔二十二侍御韶使雲南題名處。北壁有翰林白二十

二居易題擁石闕云開雪紅樹等篇，有王質夫和馬。王不知是何人也。

元稹

郵亭壁上數行字，崔李題名王伯詩。盡日無人共言語，不離牆下至行時。

二星徼外通蠻服，五夜燈前草御文。我到東川恰相半，向南看月北看雲。

郵亭月

於駱口驛見崔二十二題名處，數夜後於青山驛翫月，憶得崔生好持確論，每於宵話之中常曰：人生晝務夜安，步月閑行，吾不與也。言訖堅卧，他人雖千百其詞難

動搖矣。至是，愴然思此題，因有獻。

元稹

君多務實我多情，大抵偏嗔步月明。今夜山郵與蠻嶂，君應堅卧我還行。

元氏長慶集卷十七使東川詩二十二首序曰：元和四年三月七

日予以監察御史使東川往來鞍馬間賦詩云云。

蠻子朝

元稹

西南六詔有遺種，僻在荒陬路尋壅。部落支離君長賤，比諸夷狄為幽

冗。犬戎強盛頻侵削，降有憤心戰無勇。夜防鈔盜保深山，朝望煙塵上

高冢。鳥道繩橋來款附，非因慕化因為全唐詩樂府詩集為作危悚。清平官擊全唐詩擊

金吐嗟，求天叩地持雙珙。益州大將諱令公，頃實遭時定全唐詩樂府詩集接作逆所隴。自

居劇鎮無他績，幸得蠻來固恩寵。為蠻開道引蠻朝，接全唐詩樂府詩集接作逆蠻

送蠻常繼踵。天子臨軒四方賀，朝廷無事唯端拱。漏天走馬春雨寒，瀟

水飛蛇瘴煙重。椎頭醜類除憂患，瘡足役夫勞洵勇。全唐詩樂府詩集勇作漢匈奴互

市歲不供，雲蠻通好轡長駉。戎王養馬漸多年，南人耗頓西人恐。元氏

長慶集卷二十四樂府詩集卷九十七全唐詩四百十九

驃國樂

元稹

驃之樂器頭象駝，音聲不合十二和。從全唐詩樂府詩集從作促舞跳趨筋節硬，繁

詞變亂名字訛。千彈萬唱皆咽咽，左旋右轉空傒傒。俯地呼天終不

會曲成調變當如何德宗深意在柔遠笙鏞不御停嬪全唐詩和樂府詩集嬪作嬌

娥史館書為朝貢傳太常編入鞞鞞科古時陶堯作天子遜遁親

詩集親作新聽康衢歌又遣道人持木鐸遍採謳謠天下過萬人有意皆洞

達四嶽全唐詩卷四百十九作岳不敢施煩苛禁全唐詩樂府詩集禁作盡令區中擊壤塊燕詩集

然作及海外覃恩波秦霸周衰古官廢下埋上塞王道頗共矜異

俗同聲教不念齊民方薦瘡傳稱魚鼈亦咸若苟能效此誠足多

偕如牛馬未蒙澤豈在抱甕滋黿鼉教化從來有源委必將泳海

先泳河非是全唐詩非是作是非倒置自中古全唐詩樂府詩集中古作古有驃兮驃兮誰爾訶

阮氏長慶集卷二十四樂府詩集卷九十七全唐詩排印本卷四百十九

和虞部盧四汀酬翰林錢七徽赤藤杖歌元和四年分司東都作韓愈

諸本無四七字方從閣蜀本仍側注二名

赤藤為杖世未窺臺郎尚書郎也篇末南宮清深禁閹密務曰南宮謂虞部禁閹始

攜自滇池國名樊曰前漢西南夷傳夜郎最大其西滇方三百里滇王掃宮避使

者避或作迎或作邀方云當如避道之避今按上言掃宮則當為避舍之避跪進再拜